




邵 林(北京)

玉楼春·峭轩先生七秩寿辰有寄

谁置高筵犹把卷。期与古贤同汗漫。蜀江六曲水明楼，汉月一池冰满砚。诗外年光休细算。清兴自长愁自短。生涯十二小梅花，今岁吟成刚过半。

上西楼·登嘉峪关

戍楼戈壁秋风。思无穷。渺渺斜阳吹度梦魂中。祁连雪，敦煌月，古今同。曾照汉家旌节下西戎。

余汉武(湖南·望城)

题湖北沙洋潘集国家湿地公园

潘集如珠耀碧空，四时游冶兴无穷。薰风惹梦花飞蝶，湖水浮诗绿映红。地育灵泉情益切，人钦国粹德长隆。沙洋一幅丹青画，师法自然与道通。

欧阳询故居

古今谁不敬书堂，洗笔池中绽墨香。毫素争仪欧父子，才情遥递米襄阳。泉声泄韵歌千叠，雁阵横枝诗数行。朝日新闻崇楷圣，大名岂止在扶桑。

应邀题双峰荷叶镇获

“中华诗词之乡”之美誉

山可驰名岂在高，双峰不及岱宗腰。树迎南北来回雁，人远江湖涨落潮。剪翼弟兄轻鼎鼐，同袍文武重渔樵。诗乡未负新时代，儒雅心声近古谣。

林雪儿(广东·深圳)

清明又寄表哥

故溪丝雨歇，远径薄云生。几处沧桑色，万般流水情。铺笺悄封泪，就梦又怀兄。多少尘中味，思来早已更。

寄 秋

幽怀常寂寂，遗世若冰弦。

丁酉春月与浏河书社诸丈游书堂山

一铎风传语,中天云作笺。
山深入去远,水静月来眠。
但得灵犀动,何劳字万千。

林 峰(香港)

岁晚寄诗坛诸子

斜倚残阳看落花,断桥横处旧人家。
长云夜雨思茅店,短笔秋灯盼月华。
忧国文章堪叹老,藏山事业已成嗟。
诸君努力竿头上,容我林间独煮茶。

夕 阳

霏霏雨后白云开,红浸斜晖入酒杯。
满地梨花千树雪,一江春水半山梅。
墨磨沧海奔怀去,诗唱蓝空咏日来。
多少烟霾都不见,晚晴欲上最高台。

吴地赐(湖北·荆州)

奉和李文朝将军《纪念中华诗词学会 成立三十周年》

国粹薪传遍九州,唐音宋韵谱春秋。
文光璀璨馨香远,大纛挥师逸兴稠。
步和康庄金缕曲,同歌华夏最高楼。
初心不改海山志,一代风骚搏浪头。

贺新郎·贺中华诗词学会成立 三十周年(恭步郑欣淼会长韵)

旌举何曾歇!续千年、弘扬国粹,
九州春揭。引领骚坛文蔚起,宋律唐

音嗾咄。三十载、芳声浓烈。瀚海张帆
争潮涌,立浪头、未减初心热。描锦
绣,启新页。欣逢盛世群情勃!
建诗乡、点红着绿,雅吟声澈。笔阵龙
头兴流派,攀顶凌云不辍。庆大会、渊
源承接。圣责于肩无旁贷,拓新途、奋
勇无穷竭。追远梦,再飞越。

刘国辉(湖南·宁乡)

念奴娇·月夜遣怀(分韵得“月”字)

长空万里,看星光灿烂,一轮皎
月。飒飒秋风今又是,风雨几番凉热。
篱畔黄花,庭前桂子,缕缕香无绝。山
村清夜,望中灯火明澈。伫立小
院楼头,凭栏仰首,思绪翻千叠。壮志
而今唯仰止,湿了山人眸睫。世路虽
艰,身心无绊,功利同飞屑。一壶携
手,任他天雨天雪。

李瑞河(江西·九江)

立秋前日访金水生云阁并同红叶水 墨宴于清穆轩

天公放我作闲人,又到京城见此君。
红紫几株花满树,清幽一处阁生云。
樽前歌哭非因醉,笔底烟霞孰与群。
夜雨催秋归后急,青鸾照影已微醺。

汤 圆

鼎镬如何海样深,沧波一入任浮沉。



休言置久无馀热，冷面犹存滚烫心。

题八大山人

劫变原多故，王孙事更奇。
空门曾寄迹，道院亦栖迟。
家国千秋恨，丹青一代师。
置身危绝处，哭笑两由之。

胡业铭(广东·深圳)

临江仙·敬赠恩师朱家荣老先生

重访当年求学处，青苍树影婆娑。
贤儒迪我砺千磨。童蒙坚步武，追梦越嵯峨。
历尽沧桑情彻骨，甘霖镌记多多。恩师劭德灿星河。
南山同寿老，一曲鹤松歌。

郭占奇(重庆·涪陵)

浣溪沙次韵曹继梅《浣溪沙》

夜雨檐间已断流，芭蕉滴泪却难收。
遥天隐隐见飞鸥。归棹谁知多去意，
新辞自叹没来由。从今愁尽更无愁。

看屏上花开

嫁得高科虑未周，花开一瞬炫人眸。
人生纵是如花好，莫放匆匆快镜头。

王淑梅(黑龙江·萝北)

题节庵居士《风雪山居图》

雪野浮云岫，乡郊玉傍邻。
应知花未著，但使意陶人。
暖暖通幽径，悠悠脱俗身。
只缘今一顾，入画不思春。

临江仙·冶春

日近西山天色晚，重峦雾霭朦胧。
余晖綃绮系长空。临波波曳影，倚柳柳牵风。
遥忆去年春景好，新花占满芳丛。
翠涛轻点漫山红。拟成词一阕，分付水云中。

何跨海(湖南·平江)

沁园春·题 80 班师生秋登岳麓山

万古名山，千年书院，三径长林。
正梢头地上，霜枫锦绣，松间竹畔，凤穴球琳。
古寺参禅，云亭爱晚，感悟当时豪放吟。
流连处，尽仙付风袅袅，庭院深深。
清幽可阔胸襟。湘江岸，层霄俯碧浔。
看高楼栉比，倾谈国梦，霓虹闪烁，凯奏韶音。
故主龙韬，精英豹略，已有春风化澍霖。
清秋节，对江山指点，一笑登临。

陈小明(山西·运城)

地头采蔬菜寄黄君建中

痴性总难除，怀才卧草庐。
瘦身难逐禄，蓬鬓最贪书。

旧梦随风散，新知隔日疏。

感君青睞久，回赠半篮蔬。

夜闻邻家女儿耗费万元购外套一件

扫地归来日已西，糠糟浅笑问稀奇。

胸中绡帙万千卷，难抵佳人半件衣。

赖继年(浙江·杭州)

步韵楚家冲兄韵——感怀

晦雨如磐老可迟？蜡屐得得菊边篱。

三秋过眼风帆鼓，五合来车缰马持。

谈笑书诗文海醉，浸沉剑气武林痴。

且同我影邀明月，无论孔方何有之。

登 顶

灯火撩天山顶明，清风皱水淌溪行。

林间蛙鼓催弓步，陌上人谈浮士名。

一径飞穿惊谷瀑，三生过往探心情。

摩峰远望狂歌处，可是熏烟迷帝京？

李阳民(福建·长汀)

浣溪沙·贺中华诗词学会成立三十周年

三十年华翰墨香，中华诗苑更辉煌。
骚坛繁茂溢芬芳。雅韵千篇佳句出，
新词万首激情扬。高歌国粹焕春光。

皮青华(湖北·武汉)

次韵答鹤郎兄《中秋寄皮鹤亭》

久未弦音起，听来总是情。

秋风山客远，孤旅月江明。

凭酒辞长夜，推窗映短檠。

当年横笛处，梅落只因卿。

出差武汉

十年风雨染铅华，再向江城夜酒家。

坐倚栏杆生暖阁，梦添故事忆天涯。

街旗淡了炉风冷，湖柳新开春日斜。

虽有当年明月在，相逢何处见梅花？

张雄英(浙江·嘉善)

浣溪沙·榴月贺妹芳诞

一树榴花灼灼开，庭前巧笑艳红腮，
风姿绰约勿需猜。冷雨浇来明炽烈，
浮云散去更欢怀，芳辰遥贺入蓬莱。

郭廷瑜(甘肃·武威)

读王传明教授《齐西野语》感作

先生寄我新鸿著，谊厚情高胜故俦。

休道黄河争昼夜，当从夫子写春秋。

吟来雅韵千家醉，老去光阴一笔收。

读忆儿时篇五百，行间字里共乡愁。

题 照

浩瀚星空入夜新，时光静好莫求询。

任由市井喧嚣起，看尽繁华独抱真。



李雪兵(湖北·天门)

少年游·赠人

京城水绿暖风微，岸柳映春晖。
香薰草径，棠开簇锦，莺语燕双飞。

无边风景堪留住，莫待此春归！
且赏笙歌，聊吟秀句，揽胜踏青回。

西江月·油菜花

缓步郊原眼灿，齐开垄亩香薰。
金花铺地荡胸襟，极目新天云嫩。

细细蜂鸣腻耳，声声布谷催春。
无心争艳自芳芬，共织人间霞锦！

刘妙顺(浙江·乐清)

骊歌一叠·悼余旭

初旭临空万象新，山川遥看彩缤纷。
战鹰振翼冲霄汉，巾帼英姿绝世尘。
开殿阙，接佳宾。戎装航服显精神。
骊歌一叠传天外，共吊蓬山玉女魂。

次韵朱凌云《呦呦鹿鸣研讨会今日在北京召开》

喜降吟坛不翼传，京城昨日聚群贤。
青蒿成果惊寰宇，屠氏奇功入史篇。
火热水深行果敢，高天厚德世长牵。
骊歌千叠云霄震，引得骚人竞结缘。

吟圃例会，拈得君字，遂赋此律

印山高阁会诸君，瑞气漫凝七彩雯。
蒲水柳川连一脉，箫台诗阵集千军。
百年滴水力穿石，万丈豪情势遏云。
国粹弘扬当务急，韵田耕作共辛勤。

吴芳芳(河北·保定)

诉衷情令·送别

长亭折柳拂流风，遥望拟从容。
夕阳远落离绪，别影映桥东。随
月冷、恨愁浓，问重逢。何堪此去，醉
饮花前，泪落芳丛。

鹧鸪天·李花

风曳香魂愁上眉，催心冷雨泪双垂。
雷声惊梦繁花落，春事阑珊玉蝶飞。
随尔去，任枯萎。无情莫惹有情悲。
来年粉白双增色，依旧眸中惊艳回。

赖先楚(广东·普宁)

乙未春参加普宁三中诗教二题

感周壮润校长兴诗教

新苗茁壮正其时，润物无声好雨丝。
明日三晖春灿烂，一园灼灼一园诗。

赞三中诗教

莽莽南山一望赊，流沙河畔是吾家。
爱趁阳春风日好，辛勤浇灌育诗花。

张涤云(浙江·杭州)

师生母校小聚口占一绝

春燕翩翩归旧园,身姿矫健亮黄昏。
声声细语明如水,轻拂西溪暖校门。
注:丙申春分,欣闻两位九四级学生来杭
培训,邀其回母校芳草苑餐厅小聚,次三
日雨止转阴,再邀偕另一在杭学生同至,
喜甚,口占一绝。

喜迎丁酉春节

丙申腊月廿四晚,观新闻联播气象,
全国一片晴,且将延续至春节,心情大好,
喜占一绝。

雾霾散尽煦阳开,岁末放晴禧气来。
天佑中华呈瑞象,雄鸡一唱跃高台。

何正华(重庆·涪陵)

悼女飞行员余旭

英姿焕发博蓝天,歼十空中八百旋。
七色花开彩虹舞,青春无悔靓山川。

避暑农家院

凉风摇曳屋前花,早起清晨摘豆瓜。
露滴晶莹吻芳草,朝霞一片进农家。

刘丙立(河南·新乡)

春日访友不遇

春日乡村去,良朋住此间。

鸠呼依老调,柳舞换新颜。
铁锁孤身累,桐花一树闲。
戴逵何必见,兴尽可回还。

春至

霜女更青帝,凡间又一春。
风和池水皱,日暖杏花新。
身上衣穿薄,枝头鸟唱频。
正当耕作季,遍地是忙人。

陈荣权(湖北·当阳)

偕大哥夜游晴川桥下

虹桥流彩景多娇,兄弟情浓气自豪。
坐揽清辉移树影,行闻歌唱醉良宵。
昔悲家业因兵废,今喜儿孙已志高。
漫步汉江交汇处,三城灯火浪中摇。

送别峰儿返加拿大

破晓晨曦放雨晴,云中孤雁向东鸣。
几番叮嘱双亲泪,一抱迷离万里程。
车外霜丝寒共悴,窗前枫影苦相萦。
路遥波隔三春梦,渴盼红莲并蒂生。

冯志成(湖北·当阳)

芳心苦·白金婚庆(60年)赠内

缘结三生,情牵双手。坎坷路上
搀扶走。天南地北信如初,泥污何奔
同心藕。终渡难关,白头厮守。
相亲相敬超宾友。行年秋暮爱逾稠,
朝朝捧出盈樽酒。

